

მონაცემთა ბაზის პროგრამული პაკეტების აუქციონის გარეშე, ელექტრონული ტენდერით (NAT200018739) სახელმწიფო შესყიდვის შესახებ (CPV 48611000)

წინამდებარე ხელშეკრულება გაფორმდა ქ. თბილისში, 2020 წლის 25 დეკემბერს და ძალაშია 2020 წლის 25 დეკემბრიდან 2022 წლის 31 იანვრის ჩათვლით.

ერთის მხრივ, „საქართველოს პარლამენტის აპარატი“ (მის.: ქ. თბილისი, რუსთაველის გამზ. №8, სახელმწიფო ხაზინა, ანგ. №200122900, საიდენტიფიკაციო კოდი: 202058245) (შემდგომში - „შემსყიდველი“) წარმოდგენილი მისი უფროსის მოვალეობის შემსრულებლის ქეთევან კვინიკაძის სახით, ხოლო მეორეს მხრივ, შპს „ჯორჯიან მიკროსისტემს“ (მის.: საქართველო, ძველი თბილისის რაიონი, უზნაძის ქ., №2, ბ.4 ბანკი: ს.ს. „პროკრედიტ ბანკი“, ბანკის კოდი: MIBGGE22, ა/ა: GE40PC0293600100008969 (GEL), ტელ.: 599 54 98 57, საიდენტიფიკაციო კოდი: 202268517) (შემდგომში - „მიმწოდებელი“), წარმოდგენილი მისი დირექტორის არჩილ მაისურაძის სახით, ორივე ერთად წოდებული, როგორც „მხარეები“, სახელმწიფო შესყიდვების შესახებ საქართველოს კანონის 10¹ მუხლის პირველი პუნქტის და სახელმწიფო შესყიდვების სააგენტოს თავმჯდომარის 2017 წლის 14 ივნისის №12 ბრძანებით დამტკიცებული ელექტრონული ტენდერის ჩატარების წესის 33-ე მუხლის პირველი პუნქტის შესაბამისად, მიმწოდებლის სატენდერო წინადადების საფუძველზე, 2021 წლის სახელმწიფო ბიუჯეტიდან საქართველოს პარლამენტისათვის გამოყოფილი ასიგნების ფარგლებში, ვდებთ წინამდებარე სახელმწიფო შესყიდვის შესახებ ხელშეკრულებას შემდეგზე:

მუხლი 1. ტერმინთა განმარტებები

- 1.1. „სახელმწიფო შესყიდვის შესახებ ხელშეკრულება (შემდგომ - ხელშეკრულება)“ – შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, ყველა თანდართული დოკუმენტით.
- 1.2. „ხელშეკრულების ღირებულება“ – საერთო თანხა, რომელზედაც გაფორმებულია ხელშეკრულება.
- 1.3. „შემსყიდველი“ – ორგანიზაცია, რომელიც ახორციელებს შესყიდვას.
- 1.4. „მიმწოდებელი“ – პირი, რომელიც ახორციელებს შესყიდვის ობიექტის მიწოდებას ხელშეკრულების ფარგლებში.
- 1.5. „დღე, კვირა, თვე“ – კალენდარული დღე, კვირა, თვე.
- 1.6. „შესყიდვის ობიექტი“ – ხელშეკრულების მე-2 მუხლით გათვალისწინებული ხელშეკრულების საგანი.

მუხლი 2. ხელშეკრულების საგანი

2.1 ხელშეკრულების საგანია შემსყიდველის მიერ მონაცემთა ბაზის პროგრამული პაკეტების (შემდგომში „შესყიდვის ობიექტი“) სახელმწიფო შესყიდვა ქვემოთ მოცემული ცხრილის შესაბამისად:

№	შესყიდვების ობიექტის დასახელება	შესყიდვის ობიექტის აღწერილობა	პროგრამის განახ. რაოდ. (არაუმეტეს)	ფასი	ჯამი (არაუმეტეს)
1	2	3	4	5	6
1	ქართული ქსელური ვერსია (სერვერზე), 200 მომხმარებლისათვის (USER-ისთვის).	შესყიდვის ობიექტს წარმოადგენს მონაცემთა ბაზის პროგრამული პაკეტები, რომლებიც უნდა მოიცავდნენ:	48	160.00	7,680.00
2	ქართული ინდივიდუალური ვერსია 20 მომხმარებლისათვის (USER-ისთვის).	• საქართველოს პარლამენტის მიერ მიღებულ, კონსტიტუციურ კანონებს და ორგანულ კანონებს, კანონებს და სხვა სამართლებრივ აქტებს.	48	50.00	2,400.00
3	რუსული ინდივიდუალური ვერსია 5 მომხმარებლისათვის (USER-ისთვის)	• საქართველოს პრეზიდენტის, მთავრობის, სამინისტროების და სხვა სახელმწიფო დაწესებულებების ნორმატიულ აქტებს (ბრძანებულებები, ბრძანებები, დადგენილებები, ინსტრუქციები, დებულებები, მითითებები, წერილები, ფოსტოგრაფები და ა.შ.);	24	9.00	216.00
		• საქართველოს რესპუბლიკის მთავრობის, მინისტრთა კაბინეტის ძირითად			

			დადგენილებებს; • საქართველოს საკონსტიტუციო სასამართლოს განჩინებებს და გადაწყვეტილებებს; • საქართველოს საერთაშორისო სამართლებრივ აქტებს.ნებისმიერი დოკუმენტი უნდა იყოს როგორც საწყისი ტექსტით (ორიგინალი), ასევე მოქმედი რედაქციით (კოდიფიცირებული). • საქართველოს პარლამენტის მიერ მიღებულ კონსტიტუციურ კანონებს, ორგანულ კანონებს და კანონებს რუსულ ენაზე				
						სულ:	10,296.00

მუხლი 3. ხელშეკრულების ღირებულება

- 3.1. ხელშეკრულების ღირებულება შეადგენს არაუმეტეს 10,296.00 (ათი ათს ორას ოთხმოცდათექვსმეტი) ლარს.
- 3.2. ხელშეკრულებით გათვალისწინებული შესყიდვის ობიექტის ერთეულის ფასი მოცემულია მე-2 მუხლის 2.1. პუნქტით განსაზღვრულ ცხრილში.
- 3.3. ხელშეკრულების საბოლოო ღირებულება განისაზღვრება ხელშეკრულების მე-4 მუხლის 4.1. პუნქტში მითითებული მიწოდების საბოლოო ვადის გასვლის შემდგომ, ფაქტიურად მიწოდებული შესყიდვის ობიექტის ფარგლებში, მხარეთა შორის გაფორმებული მიღება-ჩაბარების აქტ(ებ)ის, მიმწოდებლის მიერ წარმოდგენილი საგადასახადო ანგარიშ-ფაქტურა/ანგარიშ-ფაქტურების (კანონმდებლობით განსაზღვრულ შემთხვევაში) და სასაქონლო ზედნადებ(ებ)ის (კანონმდებლობით განსაზღვრულ შემთხვევაში) შესაბამისად, მაგრამ არაუმეტეს ხელშეკრულების ჯამური სავარაუდო ღირებულებისა. შესაბამისად, ხელშეკრულების ჯამური საბოლოო ღირებულების განსაზღვრა აღარ საჭიროებს მხარეთა შორის დამატებითი წერილობითი შეთანხმების გაფორმებას.
- 3.4. ხელშეკრულების ღირებულება მოიცავს, როგორც შესყიდვის ობიექტის ღირებულებას, ასევე წინამდებარე ხელშეკრულების შესრულებასთან დაკავშირებულ მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ ყველა სახის გადასახადს, ასევე საფასურისა და მოსაკრებლის ღირებულებას ასეთი ვალდებულების არსებობის შემთხვევაში.

მუხლი 4. შესყიდვის ობიექტის მიწოდების ვადა და ადგილი

- 4.1. ხელშეკრულებით გათვალისწინებული შესყიდვის ობიექტის მიწოდება უნდა განხორციელდეს 2021 წლის 1 იანვრიდან - 2021 წლის 31 დეკემბრის ჩათვლით. აღნიშნული პერიოდის განმავლობაში ქართულენოვანი ვერსიის განახლება (როგორც ქსელური, ასევე ინდივიდუალური), ყველა მომხარებლისთვის, უნდა განხორციელდეს თვეში 4-ჯერ, ყოველკვირეულად, არაუგვიანეს ყოველი მომდევნო კვირის სამშაბათს, ხოლო რუსულენოვანი ვერსიის განახლება, ყველა მომხარებლისთვის, უნდა განხორციელდეს თვეში 2-ჯერ, ყოველი მეორე კვირის სამშაბათს.
- 4.2. მიმწოდებლის მიერ მომსახურების გაწევა უნდა განხორციელდეს შემსყიდველის მიერ მითითებულ კონკრეტული ელექტროსაკომუნიკაციო საშუალების გამოყენებით, შემსყიდველის ელ. ფოსტის მისამართზე.

მუხლი 5. მხარეთა ვალდებულებები

5.1. „მიმწოდებელი“ ვალდებულია:

- 5.1.1. უზრუნველყოს ხელშეკრულების 2.1. პუნქტით გათვალისწინებულის შესყიდვის ობიექტის მიწოდება ნივთობრივად და უფლებრივად უნაკლო მდგომარეობაში, ხელშეკრულების პირობების შესაბამისად.
- 5.1.2. უზრუნველყოს მიწოდებული შესყიდვის ობიექტის ხარისხის შესაბამისობა დადგენილ სტანდარტებთან (ასეთის არსებობის შემთხვევაში).
- 5.1.3. უზრუნველყოს ხელშეკრულების მე-6 მუხლით გათვალისწინებული კონტროლის განხორციელების შედეგად გამოვლენილი ნაკლის აღმოფხვრა საკუთარი ხარჯებით, საჭიროების შემთხვევაში წუნდებული შესყიდვის ობიექტის ჩანაცვლება ახლით, ხელშეკრულების მოქმედების განმავლობაში, ასეთი ნაკლის შესახებ შემსყიდველის მიერ მიმწოდებლისათვის შესაბამისი წერილობითი შეტყობინებიდან (მათ შორის ელექტრონული საკომუნიკაციო საშუალების გამოყენებით) გონივრულ ვადაში, მაგრამ არაუგვიანეს 2 დღისა.
- 5.1.4. დაიცვას იმ ინფორმაციის კონფიდენციალურობა, რომელიც შესაძლოა მისთვის ცნობილი გახდეს ხელშეკრულებით ნაკისრი ვალდებულებების შესრულების დროს.
- 5.1.5. განახორციელოს ამ ხელშეკრულებით მასზე დაკისრებული სხვა ვალდებულებები.

5.2. „შემსყიდველი“ ვალდებულია:


- 5.2.1. უზრუნველყოს მიწოდებული შესყიდვის ობიექტის ღირებულების ანაზღაურება ხელშეკრულების პირობების შესაბამისად.

5.2.2. განახორციელოს ამ ხელშეკრულებით მასზე დაკისრებული სხვა ვალდებულებები.

მუხლი 6. ხელშეკრულებით ნაკისრი ვალდებულებების შესრულების კონტროლი და ზედამხედველობა

6.1. მიმწოდებლის მიერ ხელშეკრულებით ნაკისრი ვალდებულებების შესრულების კონტროლსა და ზედამხედველობას, ხელშეკრულების მიმდინარეობის ნებისმიერ ეტაპზე (ასევე, ხელშეკრულების მოქმედების ვადის გასვლის შემდეგ, ხელშეკრულებიდან გამომდინარე ვალდებულებ(ებ)ის არსებობის შემთხვევაში), განახორციელებენ შემსყიდველის მიერ გამოყოფილი კონტროლის განმახორციელებელი პირ(ებ)ი, კერძოდ: საქართველოს პარლამენტის აპარატის ინფორმაციული ტექნოლოგიებისა და ტელეკომუნიკაციების დეპარტამენტის უფროსი მერაბ გოცირიძე და სამეურნეო უზრუნველყოფის დეპარტამენტის შესყიდვებისა და მომარაგების განყოფილების მთავარი სპეციალისტი ნინო ნათენაძე (ერთობლივად ან ცალ-ცალკე).

კონტროლის განმახორციელებელი პირ(ებ)ის ხელმოწერები:



6.2. ხელშეკრულების მიმდინარეობის კონტროლის მიზანს წარმოადგენს:

6.2.1. შესყიდვის ობიექტის მიწოდების ვადების ხელშეკრულების მოთხოვნებთან შესაბამისობის დადგენა;

6.2.2. შესაბამისი შემოწმების აქტის საფუძველზე შესყიდვის ობიექტის ან/და მისი ნაწილის ხარისხის ხელშეკრულების მოთხოვნებთან შესაბამისობის დადგენა;

6.2.3. ხელშეკრულების პირობების შესაბამისად, მიმწოდებლის მიერ წარმოდგენილი დოკუმენტების საფუძველზე, ხელშეკრულებით ნაკისრ ვალდებულებ(ებ)ზე ზედამხედველობის განხორციელება.

6.3. კონტროლის განხორციელების შედეგად ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება "მიმწოდებელს" საქართველოს კანონმდებლობით დადგენილი წესით.

მუხლი 7. შესყიდვის ობიექტის მიღება-ჩაბარების წესი

7.1. შესყიდვის ობიექტი მიწოდებულად ჩაითვლება მხოლოდ მხარეებს შორის შესაბამისი მიღება-ჩაბარების აქტის გაფორმების შემდეგ.

7.2. მიღება-ჩაბარების აქტი მხარეთა შორის გაფორმდება ყოველთვიურად, ფაქტობრივად მიწოდებული შესყიდვის ობიექტის შესაბამისად.

7.3. „შემსყიდველის“ მხრიდან მიღება-ჩაბარების აქტზე ხელმოწერის უფლებამოსილება ენიჭება ხელშეკრულების 6.1 პუნქტში მითითებული პირ(ებ)ს (ერთობლივად ან ცალ-ცალკე).

მუხლი 8. ანგარიშსწორების ფორმა და ვადა

8.1. ანგარიშსწორება განხორციელდება ყოველთვიურად, ფაქტობრივად მიწოდებული შესყიდვის ობიექტის მიხედვით, შესაბამისი საანგარიშსწორებო დოკუმენტაციის (კერძოდ, მიმწოდებლის მიერ წარმოდგენილი საგადასახადო ანგარიშ-ფაქტურა (კანონმდებლობით განსაზღვრულ შემთხვევაში) და სასაქონლო ზედნადები (კანონმდებლობით განსაზღვრულ შემთხვევაში) ანდა გამოწერილი საგადასახადო დოკუმენტის (საგადასახადო დოკუმენტის გამოწერის შემთხვევაში სასაქონლო ზედნადების ან საგადასახადო ანგარიშ-ფაქტურის (მათ შორის, სპეციალური საგადასახადო ანგარიშ-ფაქტურის) გამოწერის ვალდებულება არ წარმოიშობა) და მხარეთა შორის გაფორმებული მიღება-ჩაბარების აქტი) წარმოდგენის შემდეგ, უნაღდო ანგარიშსწორებით, ეროვნულ ვალუტაში - ლარში, მიმწოდებლის მიერ წინამდებარე ხელშეკრულებაში მითითებული საბანკო რეკვიზიტების მიხედვით.

8.2. ანგარიშსწორება განხორციელდება შესაბამისი საანგარიშსწორებო დოკუმენტაციის სრულად წარმოდგენიდან/გაფორმებიდან არა უგვიანეს 10 (ათი) სამუშაო დღის განმავლობაში. თუ მიმწოდებელს ხელშეკრულების პირობების შეუსრულებლობისათვის დაკისრებული აქვს პირგასამტეხლოს თანხა ან ფიქსირდება ურთიერთშეუსაბამობა საანგარიშსწორებო დოკუმენტაციაში ან ხელშეკრულებით გათვალისწინებულ პირობებთან - ანგარიშსწორება ხორციელდება ამ პუნქტით გათვალისწინებულ ვადებში მას შემდეგ, რაც წარმოდგენილი იქნება პირგასამტეხლოს სრულად გადახდის დამადასტურებელი დოკუმენტაცია საანგარიშსწორებო დოკუმენტაციასთან ერთად ან წარმოდგენილი იქნება კორექტირებული საანგარიშსწორებო დოკუმენტაცია.

8.3. ანგარიშსწორება განხორციელდება ხაზინაში რეგისტრირებული ვალდებულების ფარგლებში.

მუხლი 9. პირგასამტეხლო ხელშეკრულების პირობების შეუსრულებლობისათვის

9.1. მიმწოდებლის მიერ ხელშეკრულების 4.1. პუნქტის და 5.1.3 ქვეპუნქტით ნაკისრი ვალდებულებების შესრულების ვადის გადაცილების შემთხვევაში, მიმწოდებელს დაეკისრება პირგასამტეხლო, ყოველ გადაგადაცილებულ სრულ/არასრულ დღეზე ხელშეკრულების ღირებულების 0.2%-ის ოდენობით.

იმ შემთხვევაში თუ მიმწოდებლის მიერ ვადების გადაცილებისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 2%, მაშინ შემსყიდველს უფლება აქვს გავიდეს

ხელშეკრულებიდან და მოსთხოვოს მიმწოდებელს გასვლის მომენტისთვის გადასახდელი პირგასამტეხლოს ანაზღაურება.

9.2. მიმწოდებლის მიერ ხელშეკრულებით ნაკისრი ვალდებულებების სხვა სახის არაჯეროვანი შესრულების შემთხვევაში, გარდა ხელშეკრულების 9.1. და 9.3. პუნქტებით გათვალისწინებული შემთხვევებისა, მიმწოდებელს დაეკისრება პირგასამტეხლო, ყოველ ასეთ შემთხვევაზე ხელშეკრულების ღირებულების 0.5%-ის ოდენობით.

იმ შემთხვევაში, თუ მიმწოდებლის მიერ ხელშეკრულებით ნაკისრი ვალდებულებების სხვა სახის არაჯეროვანი შესრულებისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 1%, მაშინ შემსყიდველს უფლება აქვს გავიდეს ხელშეკრულებიდან და მოსთხოვოს მიმწოდებელ მხარეს ხელშეკრულებიდან გასვლის მომენტისთვის გადასახდელი პირგასამტეხლოს ანაზღაურება.

9.3. მიმწოდებლის მიერ ხელშეკრულების ნაწილობრივი შესრულების შემთხვევაში, მიმწოდებელს დაეკისრება პირგასამტეხლო შესასრულებელი (დარჩენილი) ვალდებულების შესაბამისი ღირებულების 10%-ის ოდენობით.

9.4. მიმწოდებლის მიერ ხელშეკრულების პირობების სრული შეუსრულებლობის შემთხვევაში მიმწოდებელს დაეკისრება პირგასამტეხლო ხელშეკრულების ღირებულების 20%-ის ოდენობით.

9.5. შესაბამისი საანგარიშსწორებო დოკუმენტაციის სრულად წარმოდგენის შემდგომ, შემსყიდველის მიერ ხელშეკრულების 8.2. პუნქტით გათვალისწინებული ვადის დარღვევის შემთხვევაში შემსყიდველს დაეკისრება პირგასამტეხლო ყოველ ვადაგადაცილებულ სრულ/არასრულ დღეზე ხელშეკრულების ღირებულების 0.2%-ის ოდენობით, გარდა იმ შემთხვევისა, როდესაც ვადის დარღვევა გამოწვეულია სახელმწიფო ხაზინის ან მიმწოდებლის ბანკის ბრალეულობით.

9.6. მიმწოდებლის მიერ პირგასამტეხლო გადახდილი უნდა იქნეს შეტყობინების მიღებიდან არაუგვიანეს 5 (ხუთი) სამუშაო დღის ვადაში. პირგასამტეხლოს (დავალიანების) არასრულად გადახდის შემთხვევაში მიმწოდებელს საგადახდო დავალების თარიღის დღიდან კვლავ ეკისრება ამ მუხლით გათვალისწინებული თითოეული სანქციის მიხედვით გათვალისწინებული პირგასამტეხლოს გადახდის ვალდებულება დავალიანების სრულად დაფარვამდე, რომლის ოდენობასაც მიმწოდებელი თავად ანგარიშობს გადახდის დღის ჩათვლით.

9.7. მხარეები სრულად ანაზღაურებენ ბრალეული ქმედებით (მოქმედებით ან უმოქმედობით) მეორე მხარისათვის მიყენებულ ზიანს.

9.8. პირგასამტეხლოს გადახდა არ ათავისუფლებს მხარეს ხელშეკრულებით ნაკისრი ვალდებულებების შესრულებისაგან.

მუხლი 10. ხელშეკრულებაში ცვლილების შეტანა და ხელშეკრულების შეწყვეტა

10.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე, რომელიც ჩაითვლება ხელშეკრულების განუყოფელ ნაწილად (გარდა ხელშეკრულების მე-3 მუხლის 3.3. პუნქტისა).

10.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ღირებულება ან უარესდება ხელშეკრულების პირობები „შემსყიდველისთვის“, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.3. საქართველოს სამოქალაქო კოდექსის 398-ე მუხლით გათვალისწინებული შემთხვევების დადგომის დროს ხელშეკრულების საერთო ღირებულების ზრდა შესაძლებელია არაუმეტეს ხელშეკრულების თავდაპირველი ღირებულების 10%-ის ფარგლებში, სხვა რისკებს იღებს მიმწოდებელი.

10.4. მიმწოდებლის მიერ ხელშეკრულების პირობების შეუსრულებლობისას, აგრეთვე იმ შემთხვევაშიც თუკი შესყიდვის ობიექტის მიწოდების ვადის დადგომამდე გონივრულ ვადაში შემსყიდველისათვის ცნობილი გახდება მიმწოდებლის მიერ ხელშეკრულებით ნაკისრი ვალდებულების შესრულების შეუძლებლობის შესახებ, მაშინ შემსყიდველი ორგანიზაცია უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ, რაც უნდა აცნობოს მიმწოდებელს გონივრულ ვადაში, მაგრამ არაუგვიანეს 2 (ორი) კალენდარულ დღეში, წერილობით ან კომუნიკაციის ელექტრონული საშუალებების გამოყენებით. ამასთანავე, მიმწოდებელს ეკისრება 9.3 პუნქტით გათვალისწინებული პირგასამტეხლოს გადახდის ვალდებულება.

10.5. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

10.6. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით გათვალისწინებული ვალდებულებების შესრულებისაგან.

მუხლი 11. დავები და მათი გადაწყვეტის წესი

11.1. ხელშეკრულების შესრულების პროცესში მხარეთა შორის წარმოშობილი დავა წყდება მორიგებით.

11.2. შეთანხმების მიუღწევლობის შემთხვევაში მხარეები მიმართავენ სასამართლოს საქართველოს მოქმედი კანონმდებლობის შესაბამისად.

მუხლი 12. ფორს-მაჟორი

12.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია ფორს-მაჟორის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

12.2. თუ ერთ-ერთი მხარე ფორს-მაჟორული მდგომარეობის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან.

12.3. მხარეთა პასუხისმგებლობა და ვალდებულებები განახლდება ფორს-მაჟორული მდგომარეობის მოქმედების დასრულებისთანავე.

მუხლი 13. სხვა პირობები

13.1. შემსყიდველის მხრიდან წინამდებარე ხელშეკრულებაზე ხელმოწერი პირი და ასევე კონტროლის განმახორციელებელი პირ(ებ)ი ადასტურებენ, რომ მიმწოდებლის მიმართ სრულად აკმაყოფილებენ „სახელმწიფო შესყიდვების შესახებ“ საქართველოს კანონის მე-8 მუხლით დადგენილ ინტერესთა კონფლიქტის თავიდან აცილების პირობებსა და წესებს და მათი მონაწილეობა აღნიშნულ შესყიდვაში არ იწვევს ინტერესთა კონფლიქტს.

13.2. წინამდებარე ხელშეკრულება შედგენილია ელექტრონულად, ქართულ ენაზე, რომლის ყოველი ელექტრონული ეგზემპლარი, დამოწმებული/დადასტურებული კვალიფიციური ელექტრონული ხელმოწერით/კვალიფიციური ელექტრონული შტამპით, წარმოადგენს ორიგინალს.

„შემსყიდველი“

საქართველოს პარლამენტის
აპარატის უფროსის
მოვალეობის შემსრულებელი

„მიმწოდებელი“

შპს „ჯორჯიან მიკროსისტემს“-ის
დირექტორი



ქეთევან კვინიკაძე

არჩილ მაისურაძე